

Oqaluuserisassat ataatsimiinneq ammasoq:

Imm. 01 Oqaluuserisassat akuersissutigineri

Suliassat nalinginnaasut

Imm. 4.1 Sisimiuni ajornartoortoqartillugu innaallagissiorfimmuut nutaamut pilersaarutitut tunngavissamik pisariaqartumik suliqaarnissap aallartinnissaanut siunnersuut

Imm. 4.2 Isumaginninnikkut inissianut malittarisassanik nutarsaaneq

Imm. 4.3 Atugarissaarnermut immikkoortortamut 2026-mut pitsaassutsikkut qaffasissutsit

Imm. 4.4 Oqaluuserisassatut siunnersuut - Qeqqata Kommuniani eqqakkanik takussaasoqannginnerunissaanik suliniuteqarnissamut siunnersuut

Imm. 4.5 Oqaluuserisassatut siunnersuut – Illoqarfik Sisimiut takujuminartuutinneqassaaq maleruaqqusallu malinneqassapput

Imm. 4.6 Oqaluuserisassatut siunnersuut - Sisimiuni umiarsualivimmi havnepedel-imik pilersitsinissamik siunnersuut

Imm. 4.7 Qeqqata Kommuniani kommunip susassaqaarfiinik aqutsinermik ileqqoreqqusanik allannguissamut siunnersuut

Imm. 4.8 Nunaqaarfiinik Aqutsisunik tunuarnissamik qinnuteqaat – Stina Steenholdt-Sørensen

Paasissutissiissutit

Imm. 6.1 Sisimiuni innuttaasunut utoqqarnut sammisassatut neqeroorut

Imm. 6.2 Siulittaasut nalunaarutaat

Imm. 8.1 Tamalaat

Ataatsimiinneq ingerlanneqassaaq videokonference atorlugu aallartilluni nal. 08.30

Peqqataasut:

Atassut

Bitten Heilmann

Demokraatit

Rachel Ingemann

Erne Olsen

Inuit Ataqatigiit

Juliane Enoksen

Nivi H. Efrimsen

Naleraq

Jens M. Lyberth

Steffen Johansen

Nathan Møller

Karl Lyberth

Siumut

Malik Berthelsen

Evelyn Mølgaard

Barnabas Larsen

Hans Frederik Olsen

Sika Zeeb-Olsen

Attaviitsoq

Gideon Lyberth

Imm. 01 Oqaluuserisassat akuersissutigineri

Aalajangiineq

Oqaluuserisassat akuersissutigineqarput.

**Imm. 4.1 Sisimiuni ajornartoortoqartillugu innaallagissiorfimmu nutaamut
pilersaarutinu tunngavissamik pisariaqartumik suliaqarnissap
aallartinnissaanut siunnersuut**

Journal nr. 16.03.01.01

Tunuliaqutaq

Sisimiuni innaallagissiorfiup pioreersup ajornartoortoqartillugu innaallagissiorfimmik ilaneqarnissaanut kissaat pillugu Nukissiorfiit 2023-mili ingerlatsivimmik oqaloqateqartarpoq. Innaallagissiorfiup pioreersup saniani sanaartugassap nutaap inissinneqarnissaa 2023-mi ingerlatsivimmit siumut akuersissutigineqarnikuuvoq.

Pilersaarusiornermut titartakkat Nukissiorfinnit maannakkut suliarineqarsimalerput aammalu sanaartorfissatut kissaatigineqartumut nutaamut pilersaarusiornermut tunngavissap naapertuuttunngortinnissaa ujartorlugu, tassa maannakkut pilersaarusiornermut tunngavigisap inaallagissiorfimmu piummut imaluunniit ajornartoornermi innaallagissiorfissamut nutaamut pilersaarusiukkamut atorineqarnissaanut naapertuukkunnaarsimammat.

Suliniutip akuerineqarnissaanut piviusunngortinneqarnissaanullu nutamik kommunip pilersaarusiorgineqarneranut pilersaarummut tapiliussamik aammalu innaallagissiorfimmu illoqarfimmu pilersaarummik immikkoortup ilaanut allannguinnissaq pilersaarusiornikkut pisariaqartuuvoq.

Maleruagassatigut tunngavigisat

Inatsisartut inatsisaat nr. 34, 9. december 2015 aamma Inatsisartut inatsisaat nr. 66, 20. november 2023-meersumit malinneqartumik allannguutitalerlugu Pilersaarusiorneq aamma nunaminertat atorineqartarnerat pillugit Inatsisartut inatsissisaat nr. 17, 17. november 2010-meersoq (Pilersaarutinu inatsit).

Immikkoortup ilaannut 800-D1-imut pingaarnertut aalajangersagaqarluni, Qeqqata Kommunianut 2021-24-mut pilersaarut atuuttoq.

Pissutsit atuuttut

Innaallagissiorfik pioreersoq kommunip pilersaarusiorgineqarnerani illoqarfiup immikkoortuani immikkoortup ilaa 800-D1-mi inissisimavoq, immikkoortoq aalajangersimalluinnartumik atuiffittut immikkoortitaalluni sanaartorfigeqqusaanngitsuusoq. Illoqarfiup immikkoortuani innaallagissiorfik inatsit naapertorlugu immikkoortoq E1-imi, teknikkikkut atortulersuutit, taamaallaat inissinneqarsinnaavoq.

Taamaattumik immikkoortoq, pioreersoq aammalu siunissami innaallagissiorfissaq eqqarsaatigalugu, immikkoortup ilaanut eqqortumik E1-imut iluarsineqartariaqarpoq.

Taamatuttaaq innaallagissiorfiup pioreersup saniani siunissami ajornartoornermi innaallagissiorfissamut sanaartorfissap nutaap pilersinnissaanut, pilersaarusiornermut inatsit naapertorlugu, immikkoortumut pilersaarusiortoqarnissaa pisariaqarpoq, tassa illoqarfimmi sanaartorfissanik nutaanik immikkoortitsisoqassappat illoqarfimmu pilersaaruteqarpat aatsaat pisinnaavoq. Immikkoortumut illoqarfimmu pilersaaruteqanngilaq.

Innaallagissiorfiup pioreersup kitaatungaani alliliininngorlugu ajornartoornermi innaallagissiorfissap nutaap inissinneqarnissaanut pilersaarummik takussutissiisoq isikkusaanik pilersaarutitaqarluni suliniummut titartakkat ilanngussat takukkit.

Atuilluatuunissakkut kingunerisinnaasat

Ajornartoorfimmi illoqarfiup ingerlanissaanut isumannaallisaanerlu qulakkeerniarlugit ajornartoorfimmi innaallagissiorfik atualluartsuusumik pingaaruteqarlunnartuuvoq.

Aningaasaqarnikkut allaffissornikkullu kingunerisinnaasai

Kommunip pilersaarusiortifigineqarnerata immikkoortup ilaani teknikkikkut immikkoortumik nutarsaanissamut, kommunip pilersaarusiortifigineqarneranut tapiliussamik aammalu illoqarfimmut pilersaarummik nutaanik pisariaqartitsitsipput. Inaallagissiorfimmut pilersaarummi pioereersumi pissutsit ukiorpaalunni allaffissornikkut pisariaqareersimasup iluarsivigineqarnissaat naatsorsuutigineqarpoq, aammalu tamanna kommunip pilersaarusiortifigineqarnerata nutarsarneqarnerata aammalu ingerlatsivitsigut atuutilersinneqarnerata ingerlanneqarnerani pisariaqaralarpoq.

Allaffeqarfiup naliliinera

Suliniut aallarnisarfimmiippoq, taamaattorli kommunip pilersaarusiortifigineqarnerata nutarsarneranut atatillugu pilersaarutitigut tunngavigisaq piaartumik naleqqussarneqartariaqarpoq.

Siunissaq ungasinnerusoq eqqarsaatigalugu, immikkoortumi teknikkikkut atortulersuutitut katillugit marlunnik sanaartorffissalerlugu immikkoortup ilaanik nutaamik kommunip pilersaarusiortifigineqarneranut tapiliussamik aammalu illoqarfimmut pilersaarummik pisariaqartumik peqalernissaq allaffeqarfimmit pisariaqartutut isigineqarpoq.

Ilutigitillugu atugassatut suliniummi ajornartoornermi innaallagissiorfissatut eqqarsaatigineqartumut sanaartukkamut pioereersumut assinganik iluseqarluni nunallu ilusaanut naleqquttumik takorluugaasoq allaffeqarfimmit nalilerneqarpoq.

Innersuussut

Teknikkeqarnermut Avatangiisinullu immikkoortortamit Aningaasaqarnermut ataatsimiititaliamit aammalu Kommunalbestyrelsimit akuerisassanngorlugu suliamut ima innersuussuteqarpoq,

- Teknikkeqarnermut Avatangiisinullu immikkoortortami pilersaarusiortnermut immikkoortoq Sisimiuni innaallagissiorfimmut pioereersumut aammalu ajornartoornermi innaallagissiorfissamut nutaamut pilersaarutaasumut immikkoortup ilaanut nutaamik Kommuunip pilersaarusiortifigineqarneranut tapiliussassamik siunnersuummik nutaamik pisariaqartinneqartumik suliaqarnissamik aallartitsissasoq

Aningasaqarnermut ataatsimiititaliap suliamik suliarinninnera

Ataatsimiititaliap 16. juni 2026 ataatsimiinnerani innersuussutigineqartoq akuersissutigineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Teknikkeqarnermut Avatangiisinullu immikkoortortami pilersaarusiortnermut immikkoortoq Sisimiuni innaallagissiorfimmut pioereersumut aammalu ajornartoornermi innaallagissiorfissamut nutaamut pilersaarutaasumut immikkoortup ilaanut nutaamik Kommuunip pilersaarusiortifigineqarneranut tapiliussassamik siunnersuummik nutaamik pisariaqartinneqartumik suliaqarnissamik aallartitsissasoq

Aalajangiineq

Innersuussutigineqartoq akuersissutigineqarpoq.

Ilanngussaq

1. Inatsisartut inatsisaat nr. 34, 9. december 2015 aamma Inatsisartut inatsisaat nr. 66, 20. november 2023-meersumit malinneqartumik allannguutitalerlugu Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq (Pilersaarutitut inatsit).
2. Nukissiorfimmit ulloq 5. aamma 7. december 2023-mi tiguneqartut atugassatut siunnersuutit titartagartaat
3. Nukissiorfimmit atugassatut siunnersuutit takorloorneqartoq tiguneqartoq

Imm. 4.2 Isumaginninnikkut inissianut malittarisassanik nutarsaaneq

Journalnr. 41.01

Tunuliaqutaq

Malittarisassaq atuuttuusooq 2011-meersooq maannakkut periusaasunik suleriaatsinillu naapertuukkunnaarmat, isumaginninnikkut inissianut malittarisassanik nutarterisoqarnissaanik Atugarisaarnermut immikkoortorta qinnuiginnissuteqarnikuuvoq.

Maleruagassatigut tunngavigisaq

Ilaqutariinnermut ataatsimiititaliap 2009-mi februaarip qulingiluaanni politikkikkut aalajangiinneranik tunngaveqartumik, isumaginninnikkut inissianut innersuussisarnermut suleqatigiissitamik inuttalersueqqaartoqarnikuuvoq. Kommunit kattussuunneqarnerannut atatillugu illoqarfinnit marluusunit siunnersuutinit aalajangiineq tunngaveqarpoq. 2013-mi piumasaqaatinik marlunnik ilassuteqartoqarnikuuvoq.

Pissutsit atuuttut

Isumaginninnikkut inissianut maleruagassaaq 2011-meersooq nutaangilivoq, immikkoortumilu maannakkut aqqissuussaarnermut suleriaatsimullu naapertuukkunnaarluni. Taamaattumik nutarsaanissamut ersarissanissanullu pisariaqartitsisoqarpoq:

Allannguutissatut kissaatigineqartut:

- Ataatsimiititaliap taaguutaa
- Suleriaatsip allaaserineqarnera

Innersuussisarnerup ilusaata allanngortinnera:

Maleruagassaaqqaarnikoq innersuussisarnermut suleqatigiissitamik imak aalajangersagartaqarpoq:

1. Ikiorisiernermut immikkoortortami Isumaginninnermi siunnersortaaneq - suleqatigiinnut akisussaasuusoq
2. Ilaqutariinnermut immikkoortortamit toqqagaasoq Inunnik isumaginninnermi siunnersorti/sullissisoq - ilaasorta
3. Utoqqarnut sullissivimmit toqqagaasoq Inunnik isumaginninnermi siunnersorti/sullissisoq - ilaasorta
4. Innarluutilinnut immikkoortortamit toqqagaq inunnik isumaginninnermi siunnersorti/sullissisoq - ilaasorta
5. Allatseqarfimmit toqqagaq overassistenti - allattaasoq

Ullumikkut annertunerusumik innersuussisarneq fagchefimit akuerineqarnikkut, immikkoortortami attuumassuteqartumi sullissisumit akisussaasumit isumagineqartarpoq. Taamaattumik suleriaasivimmut naapertuuttumik malittarisassanik pisortatigoortumik innersuussisarnermut, suleqatigiimmik imaqqanngitsumik malittarisassanik ajornaannerusunik kissaateqartoqarpoq.

Siunissami suleriaasissaq tullinnguuttutut allaaserineqarpoq:

- Qinnuteqaat qinnuteqartoq peqatigalugu sullissisumit immersorneqassaaq
- Qinnuteqartoq piumasaqaataasunik naammassinninnersoq pillugu sullissisoq nalilersuissaaq, qinnuteqartorlu uppersaatinik attuumassutilinnik tunniussereersimanissaa isumagalugu. Isumaginninnikkut malittarisassani piumasaqaatit uppersaatatillu allassimapput.
- Aalajangiineq fagchefimit attuumassuteqartumit akuersissutigineqassaaq.
- Qinnuteqaat akuerineqarnerani suliaq INI A/S-imut fagchefinullu attuumassuteqartunut nasissunneqassaaq.

- Fagchefit pisariaqartitsineq malillugu agguassinnissaq pingaarnersiutinissarluni siunertaralugit, sapaatip akunnikkaartumik ataatsimiinnerminni qinnuteqaatit nalunaarsorlugillu suliarissasavaat.

Ersarissanissat ilanngutassallu tullinnguuttut siunnersuutigineqarput:

- Angajoqqaq kisimiittoq inissiaqanngitsoq isumaginninnikkut inissiamik tunineqarnissamut piumasaqaataasutut ilanngunneqassaaq.
- Isumaginninnikkut inissiaq tunniunneqartoq atortinneqarsinnaananilu paarlaanneqarsinnaanngilaq. Attartortitsinermi paarlaannermiluunniit isumaginninnikkut inissiamut akuersisut atorunnaassaaq.
- Akuersinermut paasissutissanillu ingerlatitseqqinnermut tunngasunik ilanngussineq
- Naammagittaalliorsinnaanermut ilitersuummik ilanngussineq

Atuilluatuunissakkut kingunerisinnaasat

Periusivimmik ersarissaasumik malittarisassanik nutarsaaneq sullissinermut sunniuteqarnerusumut takulluarneqarsinnaanerusumillu aammalu innuttaasunik sullissinermi pitsaassutsimik nukittunerulersitsinissamut peqataassasoq naatsorsuutigineqarpoq.

Aningaasaqarnikkut allaffissornikkullu kingunerisinnaasai

Nutarsaaneq aningaasaqarnikkut kinguneqarnissaa naatsorsuutigineqanngilaq. Allaffissornikkut kingunerisinnaasat tassaassangatinneqarput, malittarisassaq nutaaq suleriaatsimik ajornannginnerusumik imminullu ataqatigiinnerusumik tapertaanissaa naatsorsuutigineqarpoq, tassani ingerlariaaseq tunngavigisarluni imminnut naapertuullutik.

Allaffeqarfiup naliliinera

Allaffeqarfiup nalilerpaa, isumaginninnikkut inissianut malittarisassanik nutarterinissatut siunnersuutaasoq, sullissinermi ersarinnerunermik assigiissaarnerunermillu aammalu innersuussisarnerup ingerlariaasianik pitsaassutsimik nukittorsaanissamut pilersitsissasoq. Innersuussisarnermut suleqatigiit taagutaannik, katitigaanerannik iluarsisuteqarnermi aammalu piumasaqaatinik naammagittaalliorsinnaanermullu ilitersuummik attuumassutilinnik ilanngussinikkut, suleriaatsinik inatsisinillu atuttuunik naapertuuttumik suleriaaseqarnissaa qulakkeerneqassaaq.

Tamatuma saniatigut nutarterineq innuttaasut pisinnaatitaaffiinnut naatsorsuutigisaannullu tunniuseqataassaaq, isumaginninnikkut inissianik tuniussisarnermut, attartortitsisarnermut paarlaattarnermullu malittarisassat ersarissarneqassammata aammalu innuttaasut eqqortumik naammagittaalliorsinnaanermut ilitersuunneqarsinnaalissallutik.

Nukissanik allanik missingersuutitigulluunniit allannguinnissamik pisariaqartitsinngikkaluarluni malittarisassanik nutaanik atuutsitsilerneq pisinnaasoq nalilerneqarpoq, allanguutit annertunerusumik aaqqiissusaanermiillutillu allaffissornerummata.

Innersuussut

Atugarissaarnermut immikkoortortaqarfiup innersussutigivaa, isumaginninnikkut inissianut malittarisassanik nutarterinissatut siunnersuutaasoq Atugarissaarnermut ataatsimiititaliap akuersissutigissagaa suliarlu kommunalbestyrelsemut ingerlateqqillugu.

Atugarissaarnermut ataatsimiititaliap suliamik suliarinninnera

Ataatsimiititaliap junip 9-ani 2026 ataatsimiinnerani suliaq suliarineqarpoq innersuussutillu akuerneqarlutik.

Innersuussut

Atugarissaarnermut ataatsimiititaliap aningaasaqarnermut ataatsimiitiamut akuereqqullugu innersuussutigivaa:

- Isumaginninnikkut inissianut malittarisassanik nutarterinissatut siunnersuutaasoq

Aningaasaqarnermut ataatsimiititaliap suliamik sularinninnera

Ataatsimiititaliap 16. juni 2026 ataatsimiinnerani innersuussutigineqartoq akuersissutigineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Isumaginninnikkut inissianut malittarisassanik nutarterinissatut siunnersuutaasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Isumaginninnikkut inissianut malittarisassat 2026
2. Isumaginninnikkut inissianut malittarisassat 15/10-2011-imeersut
3. Isumaginninnermik tunngaveqartumik ineqartitaanermi piumasaqaataasartut pillugit siunnersuut, sagsfremstilling februar 2009
4. Isumaginninnermik tunngaveqartumik ineqartitaasinnaanermik piumasaqaatinik nutarterinissamut siunnersuut, Imaqarniliaq januar 2013

Imm. 4.3 Atugarissaarnermut immikkoortortamut 2026-mut pitsaassutsikkut qaffasis-sutsit

Journalnr. 41.00

Tunuliaqutaq

Atugarissaarnermut immikkoortortami pisortaqtigiinnit kissaateqartoqarnera tunngavigalugu kommunip tapersisarnermik aaqqiissutaanut pitsaassutsikkut qaffasissutsinik suliaqartoqarnissaanut 2020-mi suleqatigiissitanik akimortunik pilersitsisoqarpoq.

Tamanerniilli inatsimmi, aaqqissuussaanermi ulluinnarnilu suliani malunnaatilinnik allannguisoqarnikuuvoq.

Taamaattumik siusinnerusukkut pitsaassutsikkut qaffasissutsinik taartaasunik 2026-mullu pitsaassutsikkut qaffasissutsinut nutartikkanik annertusakkanillu suliaqartoqarnikuuvoq.

Suliaq Qeqqata Kommunianit akimortumik sulisuniit ingerlanneqarnikuuvoq aammalu qulakkiissalugu siunertaqarnikuuvoq:

- kommuni akimorlugu sullissinerup qaffasissusaa assigiissoq
- innuttaasunut qanigisaasunullu takunnissinnaanerup annertusinera
- ataatsimut sulianut allaffissornikkullu tunngavissaq

Maleruagassatigut tunngavigisat

Meeqqat tapersersorneqarnissaat pillugu Inatsisartut inatsisaat.

Inuit innarluutillit tapersersorneqarnissaat pillugu Inatsisartut inatsisaat.

Pisortanit ikiorsiissutit pillugit Inatsisartut Inatsisaat (2022).

Utoqqalinersiaqarneq pillugu Inatsisartut inatsisaat.

Ilaqutariit paarsisartut, inunnut innarluutilinnut tapersersuisarneq kiisalu meeqqanut ilaqutariinnullu sullissiviit.il. pillugit Namminersorlutik Oqartussat nalunaarutaat.

Utoqqarnut tunngasut angerlarsimaffimmilu ikiorteqarneq pillugu inatsit.

Pissutsit atuuttut

Pitsaassutsinut qaffasissutsit allakkiami ataatsimi katersugaapput aammala pingaarnertut immikkoortunut tullinnguuttunut agguataagaallutik:

Meeqqanut ilaqutariinnullu tunngasut

- Tapersersuinerup attaveqaatinullu aaqqiissutit
- Meeqqanut najorteqartitsinermik aaqqiissutit
- Ilaqutariinnut paarsisartunut aaqqiissutit
- Akissarsiutigalugu ilaqutariinnut paarsisartunut aaqqiissutit
- Meeqqanut Ilaqutariinnullu Sullissiviit aamma Ilaqutariit Illui
- Qimarnguiit

Utoqqarnut tunngasut

- Oqilissaassinermut aaqqiissutit
- Ulluunerani sammisasaqartitsivik/naapittarfik
- Ulloq unnuarlu ikiorteqartitsineq
- Angerlarsimaffimmi ikiorteqartitsineq
- Sammisassatut neqeroorummut biiliussisarneq
- Nerisaqartitsineq
- Utoqqaat illuat

- Utoqqalinermi pensionisiat

Innarluutillit

- Iluaqusersuutit aamma najugaqarfinnik ilusilersuineq
- Illersuisoqarnermik aaqqissuussineq
- Tapersersorteqarnermik aaqqiissutit
- Oqilisaassinermut aaqqiissutit
- Inigisap aaqqissuunneqarnera
- Innarluutilinnut bussit
- Najugaqaqatigiiffik illersugaq
- Illersugaasumik sulineq aamma sammisaqartitsinermut neqeroorutit
- Najugaqaqatigiiffiit
- Ingiallorteqarnek
- Nammineq angerlarsimaffigisami isumassuineramik ikiorsiineq
- Isarussanut tapiinerit
- Siusinaartumik sulisinnaajunnaarnermi pensionisiat

Ikiorsiisarnermut immikkoortortaqarfik

- Pisortanit ikiorsiissutit

Assigiissaarnermik takunnissinnaanermillu qulakkeerisutut ataatsimoorussamik iluseqartitsineq mallugu pitsaassutsikkut qaffasissutsit tulleriagaapput. Taakku ilaatigut inatsimmik, sullinniakkanik siunertanillu, innersuussisinnaasunut piginnaatitsissutinik, ikiorsiissutip imaanik annertussusaanillu, pisiffigisartakkanut piumasaqaatinik, atuisut akiliutaannik naammagittaalliorsinnaanermullu ilit-sersuummik imaqarput.

Atuilluartuunissakkut kingunerisinnaasat

Pitsaassutsikkut qaffasissutsit kommunip tapiisarnermut aaqqiissutaani takunnissinnaanerup, assigiissaarinerup inatsisitigullu isumannaatsuunissaanut peqataapput.

Taakku sullissinermi sunniuteqarnerunissanut suliatigullu isumaqarnerunissamut kiisalu innuttaasut, qanigisaasut kommunillu akornanni pitsaanerusumik suleqatgiinnissamut tapertaapput.

Ilutigitillugu pitsaassutsikkut qaffasissutsit sulisuusunut sulinermi ataatsimoorussamik sakkussatut atuuffeqarput aammalu innuttaasunut pisiortorfinnullu ersarissumik naatsorsuutigisinnaasanik piler-sitsillutik.

Aningaasaqarnikkut allaffissornikkullu kingunerisinnaasai

Pitsaassutsimik qaffasissutsinik akuersisuteqarnek imminermi malunnaatilimmik aningaasaqarnikkut kinguneqassanngilaq.

Paarlattuanik pitsaassutsikkut qaffasissutsit ukununnga peqataanissaat naatsorsuutigineqarpoq:

- aningaasaqarnermik aqutsinermut pitsaanerusumut peqataaneq
- sulinermi assigiinngissutinik annikilliliineq
- sullissinermik sunniuteqarnerulersitsineq
- eqqortumik innersuussisarnermik nukissanillu atuineramik tapertaaneq

Allaffeqarfiup naliliinera

Allaffeqarfik naliliivoq, pitsaassutsikkut qaffasissutsit kommunimi ikiorsiissutini pitsaassutsimik, takunnissinnaanermik assigiissaarnerusumillu nukittorsaasut.

Pitsaassutsikkut qaffasissutsit innuttaasut kommunillu akornanni pitsaanagerusumik suleqatigiinnissamut kiisalu sullissinernik sunniuteqarnerusumik inatsisitigullu tapersersorneqarnerusumik qulakkeerinissamut peqaapput.

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

1. 2026-mi pitsaassutsimut qaffasissutsit akuersissutigineqassasut
2. Malitsigisaanik suliaq kommunalbestyrelsimi akuersissutissanngorlugu ingerlateqqinneqassasooq

Atugarissaarnermut ataatsimiititaliap suliamik suliarinninnera

Ataatsimiititaliap junip 9-ani 2026 ataatsimiinnerani suliaq suliarineqarpooq innersuussutillu akuereqarlutik.

Innersuussut

Atugarissaarnermut ataatsimiititaliap aningaasaqarnermut ataatsimiititaliamut akuereqqullugu innersuussutigivaa:

1. 2026-mi pitsaassutsimut qaffasissutsit akuersissutigineqassasut
2. Malitsigisaanik suliaq kommunalbestyrelsimi akuersissutissanngorlugu ingerlateqqinneqassasooq

Aningaasaqarnermut ataatsimiititaliap suliamik suliarinninnera

Ataatsimiititaliap 16. juni 2026 ataatsimiinnerani innersuussutigineqartut akuersissutigineqarput.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- 2026-mi pitsaassutsimut qaffasissutsit akuersissutigineqassasut

Aalajangiineq

Innersuussutigineqartoq akuersissutigineqarpoq.

Ilanngussaq

1. 2026-mi pitsaassutsikkut qaffasissutsit

Punkt 4.4 Oqaluuserisassatut siunnersuut - Qeqqata Kommuniani eqqagassanik takussaasoqannginnerunissaanik suliniuteqarnissamut siunnersuut

Journalnr. 27.10.00

Tunuliaqutaq

Qeqqata Kommuniani ilaasortaq Steffen Johansen siunnersuummik allakkanik nassiussivoq ulloq 20 maj. 2026. Issuaaneq aallartippoq.

”Sisimiuni Maniitsumi nunaqarfinnilu eqqagassanik takussaasoqannginnerunissaa anguniarlugu iliuuseqarnissaa pissusissamisoortoq. Siusinnerusukkut najugaqarfiit sumiiffikkaarlutik saleersuaartarnerat ersarissorujussuunikuuvoq, najugaqarfik saligaatsumik taallugu unammisitsisoqartarnikuunera, assigiinngitsorpasullu maqaasinarsilluinaqqapput. Isumaqqarpunga kommuuni takujuminaarsaarnermut eqqiluisaarnermullu aningaasaliissutaasartunut ilasinikkut, allatut aqqiissusseqqinnikkut imaluunniit aningaasaliissutaasinnaasunik isumassarsiornikkut aqqiissuteqarsinnaasoq.”

Maleruagassatigut tunngavissat

- Qeqqata Kommuniata Teknikkeqarnermut Ataatsimiititaliamut piginnaatitsinermut pilersaarutip immikkoortorta
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq
- Kommunit eqqagassalerinermut pilersaarusiornissaannut Namminersorlutik Oqartussanit ilitsersuut 2022-meersoq

Pissutsit atuuttut

2026-mi Maniitsumi taaguuserlugu ”Saligaatsoq” aammalu Sisimiuni taaguuteqartoq ”Sisimiuni nunami saliineq 2026” ingerlanneqarput.

Avatangiisitta eqqiluinnerunissaa anguniarlugu nunami saleeqatigiinnissaa Qeqqata Kommunianiik siunniunneqarpoq.

Suliffeqarfiit, peqatigiiffiit/kattuffit aammalu nammineq kajumissutsiminnik peqataarusuttut peqataanissaannut kajumissaarneqarlutik suliat ingerlanneqarput ingerlalluarlutillu.

Taassumap saniatigut Teknikimi ataatsimiititaliap nalinginnaasumik ataatsimiinnerani 04.26 imm. 4.1 Aasaanerani Maniitsumi eqqiluinnerunissaa, pillugu ataatsimiinnermi, ataatsimiititaliap aaliangerpaa, Teknikkeqarnermut ataatsimiititaliap ataatsimiinnerit tamaasa Sisimiuni Maniitsumilu illoqarfimmi eqqiluisaarnermut tunngatillugu sulianik killiffissiuuvisooqartassasoq.

Taamaasilluni teknikeqarnermut ataatsimiititaliap 2026-mi juni-ip 11-anni nalinginnaasumik ataatsimiinnera 05.26 imm. 6.1 Illoqarfiit torernerulernissaat pillugit sulianik paasissutissiineq, juni 2026 paasissutissiissutigineqarluni.

Ilaatigut imak paasissutissiissutigineqarluni:

”Torersuutitsinissamik suliat Maniitsoq:

Aqqusinilerisut illoqarfimmi saliineq annertuumik ingerlappaat. Taakku saniatigut eqqaaviit miki-sut angisuullu ullut tamaasa misissorneqarlutik pisariaqartisineq aallaavigalugu imaarneqartarput. Nappartanik arsakoofilersuineq ingerlanneqarpoq. Siallernerani sioraajaanerit ingerlanneqartarput.

Majoriamit saaffiginnissut aallaavigalugu allaffeqarfik isumaqatigiissuteqarpoq Majoriaq aqqutigalugu suliffissarsiortut sapaatip akunneri nr. 23-24 nalunaaqutaq 10.00-imiit 14.00-ip tungaanut illoqarfimmi eqqakkanik katersitillugit suliaqartinneqartassasut Teknik-eqarfimmut

anigaasartuutaanngitsumik, tassani inuit 4-6 sulisinneqartarlutik aqqusinilerisut aqutsisuiut aqunneqartumik.

Biilikunik allanillu atortuutit illoqarfimmi sumi tamaani inissinneqarsimasunik piiaatitsinissamik allagartalersuinerit piiaatitsinerillu ingerlanneqarput.

Saligaatsoq sapaatip akunnerani 25-imi ingerlanneqassaaq suliffeqarfiit peqatigiiffillu peqataaffigisassaat. Saligaatsoq Qeqqata Kommuniata Artic Circle Businnes suleqatigalugu ingerlatissavaa. Aqqusinilerisut aasaanerani suliaasaata allattorsimanerat ilanngussaq 1-imi takuneqarsinnaapput.

Torersuutitsinissamik suliat Sisimiut:

Sisimiuni piffissani makkunani illoqarfiup torernerulernissaanut sannavimmi sulisut suliaat eqqarsaatigalugu pissutsit annerusumik nalinginnaasumik ingerlalluurtut nalunaarutigineqarpoq. Illoqarfimmi innuttaasut piimassusertik aallaavigalugu eqqiaasut eqqagassat katersungaat, naam-massigaangamik namminneq nalunaartarutigisarpaat eqqagassat aaneqassagaangata, suliallu aqunngitsumik ingerlallutik.

Umiarsualivimmi, Tank-eqqap eqqaani, Qeqqata Kommuniata Kraniata eqqaani umiatsiat qaqeqqasut tamarmik allagartamik nipititsivigineqarnikuupput piffissalernerqarlutik namminneq il-likanngikkunikkit umiatsiat allamut inissikkallartariaqassasut eqqaalu torersarneqareerpat aatsaat ilioraaffigineqarsinnaanngoqqilluni. Suliarlu tamanna ingerlavoq.

Sisimiuni illoqarfinni assigiinngitsuni umiatsiat inissiisarfiini eqqagassat nalunaarsorneqarlutillu atuisunut suliaqutiginneqartalerput, nakkutilliisoqalerlunilu. Suliarlu ingerlalluarnera eqqarsaatigalugu siunertaavoq tamanna suleriuseq ataavartumik ingerlanneqaannassasoq aammalu Contai-ner-eqarfinnut suleriut assingatut ingerlanneqarnissaa anguniarneqartussaalluni, tullinnguullugulu aallartittussaalluni.”

Atuilluartaunissakkut kingunerisinnaasai

Ingerlatsiviup sulianik ingerlataanik pitsaanerusumik malinnaasinnaalernerq illoqarfinni to-rersuutitsinissat pillugit ilisimasaqarnermik pitsaanerulersitsissaaq.

Anigaasaqarnikkut allaffissornikkullu kingunerisinnaasai

Suliaq ingerlatsinermut anigaasaliissutit iluanni ingerlanneqarpoq.

Allaffeqarfiup naliliinera

Allaffeqarfiup nalilerpaa, Teknikkeqarnermut ataatsimiititaliaq aqutigalugu illoqarfiup eqqiluutsuunissaa ataavartumik ukkataralugu ingerlanneqarmat, siunnersuutigineqartoq paasissutis-satut innersuunneqassasoq.

Innersuussut

Teknikkeqarnermut Avatangiisinullu immikkoortortap Teknikkeqarnermut Ataatsimiititaliap suliaq ingerlatereermagu akisussaaffigalugulu, kommunalbestyrelsimut innersuussutigaa:

- Paasissutissiineq tusaatissatut tiguneqassasoq

Aalajangiineq

Tusaatissatut tiguneqarpoq.

Ilanngussat

1. Steffen Johansen-ip siunnersuutaa ulloqartoq 20. maj 2026

**Imm. 4.5 Oqaluuserisassatut siunnersuut – Illoqarfik Sisimiut
takujuminartuutinneqassaaq maleruaqqusallu malinneqassapput**

Journal nr. 16.03.00

Tunuliaqutaq:

Kommuni 2026-mi maajip 15-anni e-mail aqqutigalugu kommunalbestyrelsimi ilaaasortamit Rachel Ingemann (D) oqaluuserisassamik tigusaqarnikuuvoq, tassani 2026-mi apriliip 30-anni Kommunalbestyrelsip ataatsimiinneranit ersarissaataalluni.

Illoqarfitta torersuunissaa aammalu piumasaqaataasut malinneqarnissai tamatta eqqummaariffigalugillu malittariaqarpagut. Nalunngisatsituut Kommune Industrivej aningaasarpassuit atorlugit sanatinnikuuaa aamma suliffeqarfinnut atugassatut.

Isumaqarpunga pitsaannerusumik atorneqartariaqartoq.

Assersuutigalugu (asseq 1)

Umiatsiat allamut Industrivej-imulluunniit inisseriarlugit una innuttaasut aasarsiorfigisinnaasaattut atoqqilernissaa kissaatiginarpoq.

Ilaqutariit kikkut tamarmik biileqanngillat aammalu suli inoqarmat igaasariarnermik aallussisut..

Aasiffigisartakkatut atorluarneqartartut periarfissaasarnissaat inissaqartittariaqarpagut. Kulturerput taanna nuannerluinnartoq eriagisariaqarpoq. Allunneqartoq takullugu nuannerluinnartarput taamatuttaaq takornarianik alutorineqarluartarlutik. Kulturitsinni takussutissat ilagimassuk qimmit ilaat qimmilivimmuut nuunneqarsimanngitsut takullugu nuannersuuvoq.

Illoqarfimmuut nuannequtaasaqimmata igaasariartarfiit isumaqapunga periarfissagissaartittariaqarigut.

Kangerluarsunnguamiittoq umiatsiat inissisimaffiat assimiiittunut atorneqarsinnaavoq. Taakani umiatsiat ilai ukiut arlallit nikisinneqassanatik uninngaannartut innuttaannut saaffiginissutigisinnaapput atoqqissanngitsullu piiartillugit.

Assit sinneri

Assilinnitsoornikuuvata Qatserutaasiviup akianiitoq qatserutaasiviup illuutikuata toqqavikua ilanngullugu aammalu Butik Inukup eqqaa assut tujorminarsisarpur.

Pissusissamisoornerussagalarpoq tamakku piffiit isigiuminartuutillugit torersuutinnissai ullut tamaasa saneqqullugit tujorminartarmata. Suliffeqarfittulluunniit atorneqarnikuugaluarpata aaqqiisoqarsinnaavoq siornatigut ilitsivittut atorneqarnikuunngillat aamma.

Suliffeqarfiit allagarsiortortinneqarnikuupput Container plads atulermat suliffeqarfiit eqqaaniittut piiarneqassasut. Takusinnaasatsitullu assini ersippoq tamarmik piiasimanngitsut imaluunniit suliffeqarfiit assigiinngitsunik piumasaqarfigineqarsimanerpat?

Suliffeqarfiillu tamarmik Kommunitsinnut aningaasanik isaatitsissutaammata, assigiimmik pineqarnissaat inissamisoorluinnassaaq.

Asseq kingulleq, illuaraq suliffeqarfiit marluk akornannut iliinnagaarpassittoq innutta qangalili DK-mut nuunnikoq aamma soorlu peertariaqartoq. Neriuppunga tamatta illoqarfitta torersuunissaa

minnerunngitsumillu inuuttaasut suliffeqarfiuppataluunniit assigiimmik atugassaqtillugillu piumasaqaatinik malitsinnissaat anguniartuassagipput.

Saaffiginnissut tulluuttutigit immikkoortunut agguataarneqarsinnaavoq:

1. Illoqarfik takujuminartuutinneqartariaqaralarpoq.
2. Heliportikup eqqaani aammalu Kangerluarsunguup tungaanut suliffeqarfinnut immikkoortut illoqarfinni inuussutissarsiutilinnik ingerlataqartunit atorneqartariaqaralarput.
3. Akiani umiatsianik inissiivik aasaanerani grillerinissamut kiisalu allatigit tammaarsimaarfiginissaanut akornutaasutut misigineqarput.
4. Qatserisarfiup aammalu SEAS sannaviup eqqaani immikkoortoq biilnik inissiivittut atorneqarpoq.
5. Containerinik illikaanissamut peqqussuteqarnermut atatillugu inuussutissarsiornermi ingerlatsisumit immikkoortinneqarnermik misigisaqartoqarneq.
6. Ittukasiup immikkoortuata eqqaani annertuumik containerinik inissiinernik aammalu inuussutissarsiornermut attuumassuteqartunik allanik inissiinerit annertuut (imm. 2-mut attuumassuteqartoq).

Maleruagassatigit tunngavissat:

- Qeqqata Kommuniata 2024-miit 48 tungaanut Kommuni pilersaarusiorfigineqarnra, containerinut ileqqoreqqusaq il.il. atuuttuusut ilanngullugit.

-

Pissutsit atuuttut:

Saaffiginnissut illoqarfinni immikkoortunut arlalinnut tunngassuteqarpoq. Immikkoortunut ataasiakkaanut kiisalu immikkoortut nunap suatungaaniinneranik takussutissiat tulluuttumik allassimapput:

1. Illoqarfik tamakkerlugu
2. Ittukasiup Aqq. eqqaani immikkoortoq (kommuni pilersaarusiorfigineqarnerani immikkoortut 800-C6 aamma 800-B8)
3. Akia-ta isuani Asummiut kitaatungaani immikkoortoq (kommuni pilersaarusiorfigineqarnerani immikkoortut 800-B3)
4. Kuussuup nalaani ikaartarfiup eqqaani immikkoortoq (kommuni pilersaarusiorfigineqarnerani immikkoortut 800-B8 aamma 800-D1)
5. Glahniup Aqq. aamma Aqqaluartaap Aqq. akornanni immikkoortoq (kommuni pilersaarusiorfigineqarnerani immikkoortut 800-A10, 800-C11 aamma 800-A9)
6. Ittukasiup Aqq. eqqaani immikkoortoq (kommuni pilersaarusiorfigineqarnerani immikkoortut 800-C6 aamma 800-B8)
7. Ittukasiup Aqq. eqqaani immikkoortoq (kommuni pilersaarusiorfigineqarnerani immikkoortut 800-C6 aamma 800-B8)

Atuilluartuunissakkut kingunerisinnaasat

Nunaminertanik imminut illersorsinnaasumik atuilluartumillu atuisinnaanissap qulakkeernissaanut kommuni kommunip pilersaarusiorfigineqarneratigit aammalu nunaminertanik atugassiinikkut ingerlatsinissamut pisussaaffeqarpoq. Tamatuma kinguneraa inatsit atuuttoq naapertorlugu pinngortitaq, isumalluutit siunissarlu ungasinnerusoq eqqarsaatigalugit ineriartortitsinissat eqqarsaatigalugit illoqarfiup immikkoortuani atortulersuutit pisariaqartut aammalu inuussutissarsiutitigit atugassiinerit pilersaarusiorneqartarnerat.

Aningaasaqarnikkut allaffissornikkullu kingunerisinnaasai

Imm. 1-imut: Illoqarfimmik takujuminartuutitsinissaq ataavartumik suliaasaavoq, tamannalu allaffeqarfimmit ataavartumik suliniutigineqartarluni. Suliniut isumalluutini annertuumik atuiffiuvoq aningaasaqarnikkullu annertuumik kinguneqartitsisinnaalluni.

Imm. 2, 6 aamma 7-imi immikkoortut pineqartut: Immikkoortoq inuussutissarsiornermut immikkoortutut atorpoq aammalu illoqarfimmi aningaasaqarnikkut ineriartornermut, ingerlatsinermut annertusiartornermullu qitiulluni. Allaffissornikkut pingaarnertut inuussutissarsiornermut illoqarfiullu qeqqani siunertanut atugassiaavoq.

Imm. 3-mi immikkoortumut taaneqartumut Aningaasaqarnikkut allaffissornikkulluunniit kinguneqarnissaa aallaavittut naatsorsuutigineqanngilaq. Umiatsianut inissiiviup nuunneqarnissaa kommunalbestyrelsimiit aalajangiissutigineqassappat, tamanna aningaasaqarnikkut allaffissornikkullu kinguneqarsinnaavoq.

Imm. 4-mi immikkoortumut: Immikkoortoq siusinnerusukkut inuussutissarsiornermut immikkoortuuvog aammalu pingaarnertut suli inuussutissarsiornermut atorneqarluni. Imm. 1-imi allaaserineqartut saniatigut annertunerusumik kinguneqarnaviannngitsoq nalilerneqarpoq.

Allaffeqarfiup naliliinera

Allaffeqarfiup paasisutissiissutigisinnavaa, umiatsianik containerinillu illoqarfimmi nalinginnaasumik torersaasoqarnissaanut suliniutini arlalinnik aallartitsisoqarnikummat. Nunaminertanik atugassiinerit il.il. pissutsinik unioqqutitsisinnaasunik malinnaanissamut ingerlatsivik pisussaaffeqarmat nakkutilliineq annertusarnikuuvarput illoqarfimmilu immikkoortut akulikitsumik misissoriartortarlugit. Containerinut maleruqqusanik umiatsianillu qaqitsisarnermut maleruqqusanik nutarsaanerput nutaajugaluartoq sunniteqalereersoq tigussaasumik isornartumik naliliisarneq eqqarsaatigalugu siunissami qinnuteqaatinik tigusaqaraangatta pilersaarusiornermut immikkoortortap sukatereqqinnissaanut tunngaviliissapput.

1. Ajornartorsiut ingerlatsivimmit akuersarpaa immikkoortumiillu suliniuteqalereerluni. Immikkoortumulli inatsit killegarpoq, tamannalu suliamik sivisuumik ingerlatsinermik aammalu iliuusissatut periarfissanik killegartitsinermik kinguneqartitsilluni. Maannakkut sinaakkutitigut ajornartorsiutipp piujuarnissaa naatsorsuutigineqarpoq. Ataavartumik pitsaanerulersitsinissaq innuttaasut akornanni pissuserisanik periusaasunillu allannguinnissamik kiisalu illoqarfimmik kommunip takujuminatuutitsinerunissaanut suli ingerlatsinermut aningaasaliissutit pillugit salliutitsisoqarnissaanik piumasagaatitaqarpoq.
2. Nunaminertanik atugassiissutissaanik nutaanik sisamanik kiisalu heliportikup sinerissallu tungaanut immikkoortumi nunaminertanik inniminnigassanik marlunnik nalunaarutiginnittoqarnikuuvoq. Taakku aasaanerani naammassineqarnissaat naatsorsuutigineqarpoq aallartinneqareerlutillu.
 - Inuussutissarsiutini pioresunik nuutsinissamut tunngatillugu periarfissat marluupput: kommunip pilersaarusiorneqarneranik allanngortitsineq, tassani kittaartumik nuutsiterisoqarluni.
 - Periuseq siullertut taaneqartoq ingerlatsivimmit aallaavittut atorneqartarpoq. Maluginiarneqarportaaq immikkoortoq 800-B8-mut pilersaarut ukiut marluk ataallugit siornatigut akuersissutigineqarnikuusoq, akuersissuteqarnermi immikkoortut pineqartut inuussutissarsiornermut siunertanut aalajangiunneqarnikuullutik.
3. Immikkoortoq umiatsialivittut atorneqarnera annertunerusumik ajornartorsiortitsineranik ingerlatsivimmit nalilerneqanngilaq. Immikkoortoq siunissaq ungasinnerusoq eqqarsaatigalugu umiarsualivimmik inerisaanissaq siunertaralugu inuussutissarsiornermut siunertamut atugassiaavoq. Tamatuma saniatigut immikkoortup qanittuani aasaanerani grillerinissamut suli periarfissaqarluarpoq, matumani inuiattut ullorsiortarfimmi aammalu Kangerluarsunnguaq sinerlugu pisunnaat aqquaat ilanngullugu. Illoqarfimmi kommunip

umiatsianut qaqitsisarfiutaanik kommunillu containerinut inissiisarfiutaanut amerlanerusunut pisariaqartitsineq pilersaarusiornermut immikkoortortamit paasineqarnikuuvoq kommunillu pilersaarusiorneqarnerata nutarterneqarnerani ingerlasumut atatillugu ilanngunneqarnissaa naatsorsuutigineqarpoq.

4. Ajornartorsiut ingerlatsivimmit akuersaarpaa immikkoortumillu suliniuteqalereerluni. Immikkoortumulli inatsit killeqarpoq taamaalilluni suliat sivisuumik iliuusissatut periarfissat killeqarlutik.
5. Immikkoortumi suliffeqarfinnut assigiinngitsunik piumasaqaateqarnikuuvoq. Tamanna immikkoortitsinerunani kisiannili nunaminertanik toqqaasarnermik assigiinngitsumiippoq. Ilanngussaq 3-mut innersuussisoqarpoq, tassani inuussutissarsiornermut immikkoortup qitusoqarfiullu killeqarfia ersarissumik nalunaaqqutserneqarsimalluni. Suliffeqarfik immikkoortinneqartut misigisimasoq qitusoqarfimmi inissisimavoq pissutsillu assilisat inuussutissarsiornermut immikkoortumi inissisimallutik. Piumasaqaatit assigiinngitsut taamaalillutik suliatigut tunngavissaqartut nalilerneqarput.
6. Ittukasiup eqqaani immikkoortumi annertuumik inissiisoqarsimasoq aammalu pigisanik peersinnaasunik arlaqartunik imaqartoq ilumoorpoq aammalu suliffeqarfiit assigiinngitsut akornanni nalinginnaasut assigiinngillat. Saaffiginninnermi qui taaneqartumut suliamik ingerlasoqareerpoq. Piffissami matumani immikkoortumi annertunerusumik suliniuteqarnissamut ingerlatsivik pilersaaruteqanngilaq.

Siuliani taaneqartut sulianik ingerlareersunik ingerlatsivik ingerlatsitissaaq. Siunissamut ungasinnerusumut pilersaarusiornermut suliaqarnermi immikkoortunik sukisaarsaarfinnik qulakkeerisoqarnissaanik kissaateqarneq eqqumaffigineqassaaq.

Innersuussut

Allaffeqarfiup innersuussutigivaa, siunnersuut Kommunalbestyrelsip ataatsimiinnerani eqqartorneqassasoq.

Aalajangiineq

Biilit umiatsiallu ukiorpassuit unginnaannartut piginnittuiniit isumagineqarnissaa piumasarineqassaaq. Aamma suliffeqarfiit allaffigineqassapput piumaffigalugit eqqartik torersuutinnissaat.

Ilanngussaq

1. Kommunalbestyrelsimi ilaasortamit Rachel Ingemann saaffiginnissut 16. februar 2026-meersoq
2. Rachel Ingemann-imit saaffiginnissut assinik uppersaatinik ilalik
7. Illoqarfiup takujuminartuutinneqarneranut killeqarfiit pillugit nunap assinga
8. Heliportikup eqqaani aammalu Kangerluarsunnguup tungaanut suliffeqarfinnut immikkoortut illoqarfinni inuussutissarsiutilinnik ingerlataqartunit atorneqartariaqaralarput.
9. Akia-ni umiatsianik inissiivik aasaanerani grillerinissamut kiisalu allatigut tammaarsimaarfiginissaanut akornutaasutut misigineqarput.
10. Qatserisarfiup aammalu SEAS sannaviup eqqaani immikkoortoq biilini inissiivittut atorneqarpoq.
11. Containerinik illikaanissamut peqqussuteqarnermut atatillugu inuussutissarsiornermi ingerlatsisumit immikkoortinneqarnermik misigisaqartoqarneq.
12. Ittukasiup immikkoortuata eqqaani annertuumik containerinik inissiinernik aammalu inuussutissarsiornermut attuumassuteqartunik allanik inissiinerit annertuut (imm. 2-mut 5-imullu attuumassuteqartoq).

Punkt 4.6 Oqaluuserisassatut siunnersuut - Sisimiuni umiarsualivimmi havnepedel'imik pilersitsinissamik siunnersuut

Journalnr. 27.10.00

Tunuliaqutaq

Kommunalbestyrelsimi ilaasortaq Steffen Johansen (N) 2026-mi maajip 26-anni oqaluuserisassatut siunnersuuteqarnikuuvoq. (takuuk bilag 1)

”Sisimiuni umiarsualiviup puttasut kraani umiatsiaaqqerivik qalulerivik

aaqqissugaanngippallaarujussuar-nerat pissutigalugu isumaqarpunga komuunip ataani sulisut pioreersut atorlugit aaqqiisoqartariaqalersoq.

Ukiorpassuarni umiatsiaaqqat asuli qaqisimatinneqaannartartut imaluunniit piffissaq siviluallaarujussuartoq atorlugu kraanip eqqaani qaqisimatitsisarneq, umiatsiaaqqerivimmi atortut assigiinngitsorpassuit nakkutigineqarnerunissaat, puttasut taliffigiuaannarneqarnissaat aammalu saligaatsuujuaannarnissaat, qalulerivimmi aaqqissuussamik piniutinik suliaqarsinnaanissaq aammalu saligaatsuunissaa. Ilaatigut tamakku pissutigalugit piaartumik kommuni iliuuseqartariaqarnera ersarippoq.”

Maleruagassatigut tunngavissat

Umiarsualiviit pillugit Inatsisartut inatsisaat nr. 9, 3. juni 2015-imeersoq

Umiarsualiviit pillugit Inatsisartut Inatsisaannit nr. 3, 9. januar 2025-meersumit Umiarsualiviit atortulersuutitalit mininneqarnissaat pillugu Namminersorlutik Oqartussat nalunaarutaat

Pissutsit atuuttut

Qeqqata Kommuniata, sannavimmi sulisut akisussaaffiisa suliassaasalu ilagaat puttasut, kraani, umiatsiaaqqerivik qalulerivik nakkutigalugillu. Suliaqarfiusut tiimit atukkat allattorneqartarput sapaatip akunneranut tiimit qassit atorneqarsimanersut. Sannavimmi sulisup matu umiatsiaaqqerivik qalulerivik ammariartorlugulu paarnaariartortarpaa.

Sannavimmi allattortarpaai kikkut umiatsiaaqqerivik qalulerivik atuerusunnersut nalunaarsorlugit, utaqqisunilu allatsissinnaallutik Sannavimmi. Sannaviup atuniartumut tunniuttarpai matuersaatit attartormilum maleruagqusat ilanngullugit tunniunneqartarlutik. Sapaatip akunnera siulleq akeqarneq ajorpoq, sapaatilli akunnera sinneraangagu akeqalertarluni.

Aasaanerani kraanip eqqaa salinneqarnissaanut pilersaarusiortoqarpoq aammalu salinnginnerani ilisimatitsissummik nivvingaasoqareerluni piumasarineqarluni ulloq aaliangersimasoq krani-p eqqaa imaarneqassasoq, umiatsianillu piginnittut umiatsiatik pigisatillu allat kraanip eqqaaniik piissagaat, kraanip eqqaa salinneqarlunilu torersarneqarniassammat.

Umiarsualiveqarfimmut tamarmiusumut Royal Arctic Line (RAL) pingaarnertut akisussaasuvoq, taanna Kommunip kraniutaata inissisimaffigisaani qinngunnguani talittarfimmut tamarmut atuuppoq, taanna ilaatigut aputaajaasarnermut nakkutilliinermut ingerlatsinermullu atuuttuuvoq. Taamaattorli Qeqqata Kommunianut aalajangiisuvoq, oqartussa qarfiit marluk akornanni suelqatigiinnerup pitsaanerulersinneqarsinnaanera, taamaalilluni umiarsualiveqarfik torertuaannarluni.

Atuilluartuunissakkut kingunerisinnaasai

Sannavimmi sulisorineqarneq eqqarsaatigalugu, sulisut amerlassusaat pioreersut suliassaallu agguataarneri aningaasat killigitinneqartut iluanni ingerlanneqarput.

Aningaasaqarnikkut allaffissornikkullu kingunerisinnaasai

Suliassat ingerlatsinermut aningaasaliissutit iluanni ingerlanneqarput.

Siunnersuutigineqartumi ersarissumik allaqqanngilaq Havnepedel-ip sulisoqalissappat suut akisussaaffiit ersarissut aammalu piffissaq qanoq annertutigisoq suliassat atorineqarnissaanik kissaateqartoqarnersoq.

Havnepedel-i ullaakkut arfineq pingasuniik sisamat tungaanut sulisassappat, piffissaq suliffiusoq 8 tiimi sapaatip akunneranut 40 tiimi, naatsersuutigineqassaaq ukiumut 250.000-iniik 300.000 kruuni tikillugu aningaasartuuteqarnissaq, sulisoqarnermuinnaq atugassat.

Inatsisitigut sinaakkutaasut atorfillit amerlassusaannut killigitinneqartut naaportorlugit sulisumik nutaamik maannakkut sulilersitsisoqarsinnaanngikkallarpoq.

Allaffeqarfiup naliliinera

Allaffeqarfiup maannamut nalilerpaa, suliassaq aqqiivigineqarsinnaasoq suliassat allaniik salliunnerunerisigut inuk ataaseq imaluunniit inuit marluk sannavimmiik suliartittarlugit. Sannavimmiut nalilerpaat sulisumik immikkoortitsisinnaallutik, kisianni missingersuutitut kissaatitut suliartineqartussaasumik sulisunik amerlilisoqarnissaa kissaatigineqarpoq.

Innersuussut

Allaffeqarfiup innersuussutigaa,

- Sulianik pingaarnersiunerimi, umiarsualiviup puttasut kraani umiatsiaaqqerivik qalulerivik aalaakkaanerusumik alakkarneqartalissasut assersuutigalugu ullormut marloriarluni. Sulisut marluk piffissani assigiinngitsuni alakkaasalissasut, akisussaaffeqarlutik suliartigineqarpoq ingerlatilis-sagaat
- Kraanimut allagartamik nivinngaasoqassasoq, ullorsiutinik ullut aaliangersimasut umiatsia-nik qaqqitsisoqassanngitsaq, kraanip eqqaa salinneqartarnissaa eqqarsaatigalugu.

Aalajangiineq

Suliat Teknikkeqarnermut ataatsimiititaliamut suliarteqqitassanngorlugu ingerlateqqinneqarpoq.

Ilanngussat

1. Steffen Johansen-ip siunnersuutaa ulloqartoq 20. maj 2026

Imm. 4.7 Qeqqata Kommuniani kommunip susassaqaarfiinik aqutsinermik ileqqoreqqusanik allannguinnissamut siunnersuut

Journalnr. 01.00.01

Tunuliaqutaq

Kommunalbestyrelsip 28. maj ataatsimiinnissaanut kommunalbestyrelsimi ilaasortaq Gideon Lyberth Inuussutissarsiornermut Aatsitassanullu ataatsimiititaliamik pilersitsinissaq pillugu siunnersuummik amerlanerussuteqartut akuersissutigisaannik saqqummiussaqaarnikuuvoq.

Ataatsimiititaliamik nutaamik pilersitsinissaq pillugu siunnersuummik akuersissuteqarneq kommunip susassaqaarfiinik aqutsinermut ileqqoreqqusamik allannguinnissamik piumasaaqatitaqarpoq, ileqqoreqqusaq ataatsimiititaliat assigiinngitsut sunik akisussaaqqeqarnissaat ilaatigut ilanngullugit kommunip aaqqissugaanerani aalajangersaasuummat.

Maleruagassatigut tunngavigisat

Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq.

Pissutsit atuuttut

Kommunalbestyrelsi 2025-mi maajip arfineq-pingajuanni inissisiterluni ataatsimiinnermini Qeqqata Kommuniani kommunip susassaqaarfiinik aqutsinermut ileqqoreqqusaq akuersissutigivaa, tassani ataatsimiititaliat ataavartut tullinnguuttut pilersinneqarlutik:

1. Atugarissaarnermut Ataatsimiititaliaq, tallimanik ilaasortalik
2. Ilinniartitaanermut Ataatsimiititaliaq, tallimanik ilaasortalik
3. Teknikkeqarnermut Ataatsimiititaliaq, tallimanik ilaasortalik
4. Aalisarnermut Piniarnermullu ataatsimiititaliaq, tallimanik ilaasortalik

Aqutsinermut ileqqoreqqusaq massakkut atuuttoq naapertorlugu Aningaasaqarnermut Ataatsimiititaliaq inuussutissarsiornermut tunngasunik suliaqartuuvooq aammalu taamaaliornikkut Arctic Circle Business-imik kommuni sinnerlugu inuussutissarsiornermik takornariaqarnermillu ineriartortitsinermi nunap immikkoortuani ineriartortitsinermik suliaqartuusumik suleqateqarneq. Kommunip aamma ACB akornanni ukiunut pingasunut suleqatigiinnissamik isumaqatigiissut tunngavigalugu suliarinnineruvoq, tassani inuussutissarsiornerup takornariaqarnerullu iluani suliniuteqarfinnut si-naakkutit aalajangersagaallutik. Suleqatigiinnissamik isumaqatigissut 2026-mi januaarip aallaqqaa-taani atuutilerpoq aammalu 2028 naanerata tungaanut ingerlassalluni, sivitsuinnissamilli siunertaqar-luni isumaqatigiissummik isumaqatiginninniarnissamut periarfissaqarluni.

Tamakku saniatigut nalinginnaasumik inuussutissarsiornermik siuarsaaneq pillugu inatsit naapertor-lugu aningaasaqarnikkut periarfissat pillugit kiisalu annertusaanissaq piginnaasanillu ineriartortitsi-nissamut periarfissat pillugit suliffeqarfiit aallarnisaasullu ilitersorlugit tapersorsornikkut inuutis-sarsiornermik sulianik ACB ingerlatsisuuvoq.

Inuussutissarsiornermut Aatsitassanullu ataatsimiititaliamik pilersitsinermik aqutsinermut ileqqor-eqqusaq ima allanngortinneqassaaq, qulaani taaneqartunik suliaqartarneq Aningaasaqarnermut Ata-atimititaliami aamma Inuussutissarsiornermut Aatsitassanullu ataatsimiititaliami avillugit sul-i-arneqartassallutik, takornariaqarneq suli Aningaasaarnermut ataatsimiititaliap ataaniissammat.

Allaffeqarfiup naliliinera

Ataatsimiititaliamik nutaamik pilersitsineq allatseqarnermi sullinneqarnermik, ataatsimiinnernik su-liassallu piareersarneqarnerinik kommunimut aningaasartuuteqarnerulernermik malitseqassaaq.

Suliassat akisussaaffiillu siunnersuutigineqartut Aningaasaqarnermut ataatsimiititaliap maannakkut akisussaaffeqarfiini ilaareermata oqaatigineqassaaq, taamaattumillu suliassanik nutaanik ilanngus-sinngikkaluarluni suliassanik pioreersunik agguataarisoqassalluni.

Arctic Circle Business-imik suleqatigiinnissamik isumaqatigiissut tunngavigalugu nalilerneqarpoq, inuusutissarsiorneq takornariaqarnerlu immikkoortuusut imminnut qanittut, aaqqissuussaaneq allaa-nerusoq pillugu Kommunalbestyrelsi aalajangiinngippat politikkikkut ataatsimiititaliami ataatsimi eqiteruffeqartariaqaraluartoq.

Taamaaliornikkut ataatsimiititaliamik nutaamik pilersitsinikkut immikkut nukissanik aammalu aaqqissuussaannikkut allanguutissat inuusutissarsiornermut aatsitassanullu immikkoortumi immik-kut ukkataqarnikkut iluaqutissat pillugit politikkikkut nalilersuinerusussaavoq.

Innersuussut

Allaffeqarfiup innersuussutigivaa, aqutsinermut ileqqoreqqusaq kommunalbestyrelsip siullermee-rinnissasoq kommunalbestyrelsillu tullissaanik ataatsimiinnisaani aappassaaneerinninnissamut al-lannguutaasinnaasunik takkussisoqassasoq.

Aalajangiineq

Taasineq:

Isumaqaataasut 8: EO, RI, JML, SJ, KL, EM, BH, GL

Akerliusut 7: MB, EM, SZO, HFO, BL, JE, NHE

Innersuussutigineqartoq akuersissutigineqarpoq.

Ilanngussaq

1. Kommunip susassaqaarfiini aqutsinermut ileqqoreqqusatut siunnersuut.

Imm. 4.8 Nunaqarfimmi Aqutsisunik tunuarnissamik qinnuteqaat – Stina Steenholdt-Sørensen

Journalnr. 01.01.03

Tunuliaqutaq

Nunaqarfimmi Kangerlussuarmi Aqutsisunut ilaasortaq Stina Steenholdt-Sørensen mail-ikkut qinnuteqarpoq Kangerlussuarmi nunaqarfimmi aqutsisuniit tunuarnissamik ulloq 29. maj 2026.

Maleruagassatigut tunngavissaq

Kommunalbestyrelsinut, nunaqarfimmi aqutsisunut ilagiillu sinniissaanngu qinersisarnerit pillugit Inatsisartut inatsisaat nr. 27, 28. November 2016-immersumi §54:

“Ilaasortaq qinigaaffiup iluani kommunalbestyrelsimit tunuarniarluni qinnuteqarpat, qinnuteqaat taamaattoq qanoq kinguneeqartinneqassanersoq kommunalbestyrelsip aalajangissavaa”.

Pissutsit atuuttut

Kangerlussuarmi nunaqarfimmi aqutsisuusut pingasunik ilaasortaqarput, tassa Naleqqamiit ataaseq Inuit Ataqtiginiit marluk. Inuit Ataqtiginiit sinniisussat allattorsimaffeqanngillat partiimiit qinigaassanngortittut marluusut tamarmik isermata.

Qinersinermi inatsit naapertorlugu kommunalbestyrelsip naammaqqutissamik qinersinissaq aalangiiffigisinnaavaa. Nunaqarfimmi aqutsisut suli atuutissapput april 2029-ip naanissaata tungaanut. Kommunit aquneqarneranut inatsit mallillugu nunaqarfimmi aqutsisut suli ukiuni pingasuni atuuttussaapput.

Allaffeqarfiup naliliinera

Kangerlussuarmi nunaqarfimmi aqutsisut suli ukiuni pingasuni atuuttussaananerit isiginiarlugu, allaffeqarfiup innersuussutigivaa naammaqqutissamik qinersisoqartariaqartoq. Taamaalluni sapinngisamik innuttaasut amerlanersaat sinniisoqaqqullugit.

Innersuussut

Allaffeqarfiup innersuussutigissavaa, kommunalbestyrelsip akuersissutigissagaa

- 1) Stina Steenholdt-Sørensenip Kangerlussuarmi nunaqarfimmi aqutsisuniit tunuarniutaa akuersissutigissagaa
- 2) Kangerlussuarmi naammaqqutissamik qinersinissaq siunertarlugu kommunalbestyrelsip Qinersinermut ataatsimiititaliamut innersuussusiussasoq.

Aalangiineq

Innersuussutigineqartut akuersissutigineqarput.

Ilanngussat

1. Stina Steenholdt-Sørensenip nunaqarfimmi aqutsisuniit tunuarnissamut qinnuteqaataa
2. Kangerlussuarmi nunaqarfimmi aqutsisunut sinniisussat allattorsimaffiat

Imm. 6.1 Sisimiuni innuttaasunut utoqqarnut sammisassatut neqeroorut

Journalnr. 44.07

Tunuliaqutaq

Kommunalbestyrelsimi ilaasortaq Demokraatineersoq Rachel Ingemann 2025-mi oktobarip 23-anni mailikkut kommunalbestyrelsimut siunnersuummik tullinnguuttumik nassiussaqarpoq: ”Sisimiuni utoqqaat sannavimmik/assassortarfimmik ornittagassaminnik amigaateqarput, pilertitsinissaq piffissanngorpoq.” Utoqqaat akornanni kiserliornerup annikillisinneqarnissaanut pisariaqaleqqasutut isigineqarpoq Pisup nnaveeraanut illersugaasunut assingusumik utoqqaat ornittarsinnaasaannik peqarlernissaq, kommunip illutaasa massakkut atunngitsut arlaat immaqaa taamatut aaqqissuunneqarsinnaavoq. Ullumikkut utoqqartagut kisimiittorujussuupput. Utoqqaat sannavimmik/assassortarfimmik atorsinnaasaminnik amigaateqarput. Siunnersuummi siunertaasoq tassaaq, Sisimiuni utoqqarnut sannavimmik peqalernissaq. Kommunip illuttaasa massakkut atunngisu arlaat immaqaa taamatut aaqqissuunneqarsinnaavoq.”

Maleruagassatigut tunngavigisat

Siusinaartumik pensionisiat pillugit Inatsisartut inatsisaat pillugu Namminersorlutik Oqartussat nalunaarutaat nr. 21, 26. maj 2025-meersoq

Imm 2. Pensionisialinnut sammisassaqtitsinermik neqeroorutini inissat pisariaqartinneqartutut amerlassusillit pigineqarnissaat kommunalbestyrelsip qulakkiissavaa.

Imm. 3 Utoqqarnik paaqqinniffiit sammisassaqtitsinermillu neqeroorutit kommunimit pilersinneqarlutillu ingerlanneqassapput.

Pissutsit atuuttut

Sisimiuni innuttaasut utoqqaat ullumikkut utoqqaat peqatigiiffianni Utoqqaat Nipaanni naapinnissamut periarfissaqarput. Tamatuma saniatigut Utoqqaat Angerlarsimaffianni Qupanuup ulluunerani ornittagaa ulluinnarni ammasarpoq, tamatumani utoqqaat sammisanut assigiinngitsunut inooqataanikkullu aaqqissuussanut peqataasinnaallutik.

Sammisassatut neqeroorutissatut siunnersuutaasoq neqeroorutitut pioreersunut ilassutitut isigineqassaaq aammalu inooqataanikkut ataatsimuulaanissamut utoqqarnullu nammineersinnaasunut sammisanut isumalinnut periarfissanut allanut pilersitsinerulluni.

Neqeroorut ilanngussaq 1 naapertorlugu sapaatip akunnerani 24-mi aallartinneqarsinnaalluni innarluutilinnut sannavimmi Sannavik 1 aamma Sannavik 2-mi kommunip pigeriigaani sapaatip akunneranut pingasoriarluni ataatsimoorluni assassornermut sammisanik inooqataanikkullu ataatsimuualaarsinnaanermik imaqarpoq. Neqeroorut nerisaqtitsinermik ilaqanngilaq.

Peqataasarneq, aaqqissuussaanera iluarsiiisutaasinnaasunullu pisariaqartitsinerusinnaasut nalilersornearnissaat siunertaralugu neqeroorut qaammatit pingasut kingorna nalilersorneqassaaq.

Atuilluartaunissakkut kingunerisinnaasat

Neqeroorut inooqataanikkut attaveqaatinik, inuulluataarnermik inuunerullu pitsaassusaanik nukittorsaataassasoq kiisalu innuttaasut utoqqaat akornanni kiserliortarnermik pinaveersaataassasoq naaatsorsuutigineqarpoq. Sammisat piginnaasanik allanngutsaaliunermut aamma ulluinnarni ornigulluni peqataasarnissamut tapertaassaaq. Sammisassanut neqeroorut aammattaq innuttaasut utoqqaat akornanni peqataasarnep, ataatsimoornerup akuutinneqarnikkullu siuarsaanikkut inooqataanikkut atuilluartaunissamut tunniusseqataassaaq.

Aningaasaqarnikkut allaffissornikkullu kingunerisinnaasai

Aningaasaqarnikkut kingunissat killeqarnissaat naatsorsuutigineqarpoq aammalu sammisanik ataqatigiissaarinermi ingerlatsinermilu innarluutilinnut sannavinni sulisut peqataasassammata immikkoortup missingersuutitut sinaakkutaasut pioreersut iluanni akilersinneqarsinnaanissaat aallaavittut naatsorsuutigineqarpoq.

Allaffeqarfiup naliliinera

Allaffeqarfiup nalilerpaa, neqeroorut innutaasut utoqqaat akornanni inulluatarnermut ataatsimoornermullu nukittorsaataassasoq aammalu allaffissornikkut kingunissanik killilinnik atuilluni ingerlanneqarsinnaassasoq.

Innersuussut

Sisimiuni Atugarissaarnermut immikkoortortaqarfiup Atugarissaarnermut ataatsimiititaliamut innersuussutigaa:

1. Sisimiuni innuttaasunut utoqqarnut sammisassanik neqeroorummik pilersitsinissaq akuersissutigineqassasoq.
2. Allaatineqartut neqeroorut sapaatip akunneranut pingasoriarluni ingerlanneqartassasoq.
3. Neqeroorut missingersutit pioreersut allaffissornikkullu sinaakkutaasut ilauni pilersinneqassasoq.

Atugarissaarnermut ataatsimiititaliap suliamik suliarinninnera

Ataatsimiititaliap 9. juni 2026 ataatsimiinnerani innersuussutigineqartut akuersissutigineqarput, suliarlu Kommunalbestyrelsemut paasissutissiissutitut ingerlateqqinneqassaaq.

Innersuussut

Suliaq pillugu Kommunalbestyrelsimut paasissutissiissutigineqarpoq.

Aalajangiineq

Tusaatissatut tiguneqarpoq.

Ilanngussaq

2. Sannavik 1-mi aamma Sannavik 2-mi innarluutilinnut sannavinnut sapaatip akunneranut skemassatut missingiut

Imm. 6.2 Siulittaasut nalunaarutaat

Aalajangiineq

Siulittaasut nalunaarutaat oqaaseqaatigineqartullu tusaatissatut tiguneqarput.

Ilanngussat

2. Siulittaasup nalunaarutaa Aalisarnermut piniarnermullu ataatsimiititaliaq
3. Siulittaasup nalunaarutaa Teknikkeqarnermut ataatsimiititaliaq
4. Siulittaasup nalunaarutaa Ilinniartitaanermut ataatsimiititaliaq
5. Siulittaasup nalunaarutaa Atugarissaarnermut ataatsimiititaliaq

Imm. 8.1 Tamalaat

Atugarissaarnermut pisortaanerup Paneeraq Olsen-ip naggataamik sulineranut atatillugu tamanit qujaffigineqarpoq suliarisimasaanut annertuunut.

Naggataatigullu Paneeraq Olsen aamma qujassuteqarpoq.